

論

語

經

正

錄

論語經正錄

淡澤 王肇晉 學

男 用誥 述

公冶長第五

子謂公冶長可妻也雖在縲紲之中非其罪也以其子妻之子謂南容邦有道不廢邦喪道免於刑戮以其兄之子妻之

朱子語類高錄問程子避嫌之說曰合當委曲便是道理當如此避嫌亦不能盡第五倫之事非不見得如

此自是常有此心在克不忝祇是徇情少間將此做正道理大是害事所以古人於誠意正心上更著功夫

輔漢卿曰在我喪得舉之道而不幸有舉自外至何足以爲辱在我有得舉之道雖或幸免其舉於外何足以爲榮故君子有隱微之過於暗室屋漏之中則其心媿恥若撻於市不幸而遇喪矣之災則雖市朝之刑裔夷之竄皆受之而無慙也

張蒿菴

爾歧

曰免於刑戮夫子以取南容則免刑戮

之難也朱子以謹言行釋之蓋時當喪道動人不平者甚多窺伺君子者亦密言行豈易謹也言不非人而事不招非遊世之善術

曹月川

端

曰南容免於刑戮祇是不輕言妄動取禍

當言而言雖箕子之囚比干之死豈容苟免若以直言極諫面折廷爭爲不謹言豈聖門忠孝之教

王船山曰於此見夫子嫁子之道焉蓋女子從夫以  
後喪所施其教教之者夫也固必擇端士以爲之矩  
範而舅壻之際恩禮所繫有賓主之道焉教之於既  
爲壻之後則易睽不如擇之於未爲壻之先以慎其  
始則情得而道亦不狎抑於此見聖人取人之道焉  
蓋君子立身之節遇不可常可常者己也固唯論素  
行之端貞而榮辱之加義命所安喪險夷之殊焉固  
不以亂世之吉凶殉俗而幸免抑不以孤高之奇行  
違俗而逢尤則事異而道原自合此所以爲人倫之  
至而盡知人之哲也歟

黃勉齋曰謝上蔡謂聖人擇壻警人如此楊龜山謂  
聖人所以求於人者薄可免於荆戮而不累其家皆

可妻也上蔡氣高者也龜山氣弱者也故所見各別  
如此要之當隨文平看方見聖人之本意

子謂子賤君子哉若人魯蕪君子者斯焉取斯

朱子語類賀孫錄問魯蕪君子斯焉取斯曰居鄉而多

賢其老者吾當尊敬師事以求其益其行輩與吾相  
若者則納交取友親炙漸磨以涵養德性薰陶氣質  
鹿伯順曰脫凡近入高明原非易事一朝之所開悟  
終身之所組修有言之所警發蕪言之所薰漸不知  
方寸中歷多少夏勝夏敗之局旅進旅退之景轉入  
轉淡之階且苦且甘之味向非多助恐難有成甚矣  
子賤之藉於魯君子也

汪雙池曰世不患蕪賢而患人之不取子賤之尊賢

取友萬世法也而反言魯喪君子者斯焉取斯抑若幸之抑若慮之贊美之淡也見魯多賢乃其餘意

黃薇香曰魯至昭定以後治化日替有夫子之教諸君子取於一門子賤所取正聖門諸賢敬業樂羣之益言魯者不私諸己也反言魯喪君子斯焉取斯者美子賤之尊師取友亦見習俗移人賢者不免苟獨學孤陋將喪以自進於道德也

子貢問曰賜也何如子曰女器也曰何器也曰瑚璉也朱子語類賀孫錄問子貢通博明達若非止於一能者如何以器目之曰畢竟未全備

孫夏峰曰喪一善以成名皆不足言器未至於器而侈言不器竝失其所據矣果達莧清任和均足爲宗

廟之重

陸稼書曰大抵天下人才最憂喪用不但庸陋而喪用如記誦辭章虛無寂滅之輩祇成喪用之人觀女器也句則知聖門之實學觀瑚璉也句則知聖門之真學總是三代以上人物不是春秋人物叟記載子貢存魯亂齊破吳彊晉之事純是戰國縱橫氣習沒非子貢實事若子貢果有此事則是世俗所謂器而非瑚璉之器矣

又曰大抵窮理則識進集義則氣定臨事自不疑不懼便是有用之器而皆本於正誼明道之心喪御外爲人之意便是瑚璉之器功夫不息到得誠便能不器

汪雙池曰說女器祇是許其才與由求赤不知其仁  
同到成德地位正未易易旨

或曰靡也仁而不佞子曰焉用佞禦人以口給屢憎於  
人不知其仁焉用佞

朱子語類祖道錄佞是捷給辯口者古人所說皆如此

後世方以諂字解之

又義剛錄問夫子既許仲弓南面而又曰未知其仁如

何曰言仁有麤細有祇指慈愛而言者有就性上說  
者此便較細若有一豪不盡不害爲未仁

又不知何氏錄所謂全體不息者此心具十全道理若祇

見九分亦非全體所以息者是私欲閒之喪一豪私

欲方是不息



焦廣期曰孔穎達左氏傳疏云佞非善事而以不佞  
爲謙者佞是口才捷利之名本非善惡之稱但爲佞  
有善有惡爲善敏捷是善佞爲惡敏捷是惡佞但君  
子欲訥於言而敏於行言之雖多情或不信故云焉  
用佞巨案孔君之論善矣或人稱靡不佞是謂不能  
善佞非惡佞也夫子則以佞是口舌捷利爲善者少  
爲惡者多故曰焉用若夫辨道之辭論事之才施於  
所當用者固不得以佞目之且文莫猶人尙非君子  
所急故直席之曰焉用佞也

李二曲曰聖門高弟如顏之愚曾之魯靡之簡俱是  
渾厚醜樸氣象蓋其平日皆斂華就實故其徵之容  
貌辭氣之間者喪非有道之符有志斯道第一先要

恭默

黃勉齋曰集注於爲仁之本言仁曰仁者愛之理心之德淡味六字之義則仁之道無餘蘊矣此言盡仁之道曰非全體而不息者不足以當之淡味全體不息四字則學者求至於仁之標的又昭然可見矣或曰集注於令尹子文章引師說曰當理而無私心與所謂全體而不息者有以異乎曰以當理無私心較之全體二字足以該此五字之義加以不息二字則又後章未盡之旨故後章雖引師說以爲據而或問中乃曰仁者心之德而天之理也自非至誠盡性通貫全體如天地一元之氣化育流行無少閒息不足以名之亦足以見博說之義詳且密也

陳安卿曰仁惟此心純是天理之公而絕無一豪人欲之私以間之乃可以當其名集注所謂全體云者非指仁之全體而言乃所以全體之也仲弓又不止日月至焉之地位

胡雲峰曰玩朱子之意仁道至大是說仁全體而不息者是說仁者之人蓋仁是人之本心所賢乎仁者於此心本體無一毫之虧欠又無一息之間斷也

陳定宇曰程子曰公而以人體之則爲仁此體仁之說也會子曰士不可以不弘毅仁以爲己任弘也成而後已毅也仁者本心之全德必欲以身體而力行之全體此仁卽弘也一息尙存此志不容少懈此不息卽毅也必如此始足以參透全體而不息者之語

歟

子使漆雕開仕對曰吾斯之未能信子說

朱子語類

祖道錄

漆雕開能自言吾斯之未能信則其

地已高矣斯有所指而云若自信得及則雖欲不如此做不可得矣若自信不及如何勉彊做得欲自信得及須自有所得遷方是信

又

帶錄

斯是此許多道理見於日用之間君臣父子仁

義忠孝之理雖見得如此卻自恐做不盡不免或有過差雖是知其已然未能沒其將然故曰吾斯之未能信

又

文蔚錄

知得淡便信得篤理合如此者必要如此知

道不如此便不得如此祇此是信且如人忠孝亦祇

是大綱說忠孝謂有小不忠孝處亦未妨卽此便是  
未信此是漆雕開心上事聖人見其才可仕故使之  
仕開揆之於心有一豪未得不害其爲未信仍更有  
志於學聖人所以說之

又道夫錄 吾斯之未能信是不肯更做小者所謂有天  
民者違可行於天下而後行之者也

朱子論語或問或問漆雕開未能自信而程子以爲  
已見大意見道分明何也曰人惟不見其大者故安  
於小惟見之不明故若存若亡一出入而不自知  
其所至之淺淡也今開之不安於小如此則非見乎  
其大者不能矣卒然之間一言之對若目有所見而  
手有所指者且其驗之於身又如此其切而不容自

欺也則其見道之明又爲如何然曰見大意則於其  
細微容或有所未盡曰見道分明則固未必見其反  
身而誠也曰程子又以開與會點竝併散問二子孰  
爲賢乎曰論其資稟之誠慤則開優於點語其見趣  
超詣脫然喪豪髮之累則點賢於開然開之進則未  
已也

林次厓曰開見道理須到自信處方可應世優有大  
學明德新民止至善規模

王船山曰止此一理耳或見大焉或見小焉或見深  
焉或見淺焉其爲小淺之見者非果謂理之止於此  
也不如理之本量以求之而使吾心據爲固有則喪  
窮之理可以一曲隄之極至之理可以疑似聽之唯

篤志者知此理之廣大而必求其備於吾心知此理之精微而必求其驗於吾心一曲不足以爲其規疑似不敢以爲是所謂信也心信理也非徒以理之名而信之也 吾自反而求焉一事之當苟必有一事之理其斷然必如斯以爲之者何故一物之相接必有一物之理其誠然必如斯以應之者何爲雖或知其當然而不能覺二三之不可據者以何爲定體雖或知其固然而不能審豪釐之喪可矣者以何爲至善思所以塙見夫天理之存發而體念之身心以不迷於天下之故則退而學焉尙覺所求者之未得也使出而應世焉不愈以增所疑而不能準諸心以應諸事故使仕之命未敢間也

李二曲曰學不言心終非實學仕不信心經綸班本成已而後能成物自治而後可治人聞於斯自謂未能信此正是審己量力不自欺處 問斯字先儒咸解作逝者如斯夫之斯蓋指妙道精義而言今乃直指修己治人言何也曰妙道精義不外修己治人離修己治人何處見妙道精義況夫子方便開仕聞若舍可仕不可仕不言而忽旁及其它此後世僮侗啞謎野狐禪所爲曾謂敬謹如閑而乃爾乎夫惟於修己治人之道自謂未信所以超於天下後世昧於自知而惟以苟位爲榮者正在於此使天下後世人人如開之自審自量則處不從處出不從出而世道生民咸有賴矣



汪雙池曰治己治人非有二道卽禮樂兵農工虞水火雖職有分屬而理實同源惟君子從事於格致者久則物宜盡而事變以通致功於誠正者純則心德全而大用以廣舉而措之大小惟其所用措施以垂不立是之謂能信不然者學有偏長用違其材則困事有常變固守一轍則拘此仕之所以難言也

黃薇香曰子使之仕者仕不過一官一邑之寄所謂一命之士存心利物於人必有所濟而天民之事業實有未能自信者此漆雕開所孜孜而夫子所未冀及也鄭君云志道淡朱子云篤志正謂志在大成目惟志在大成則不願小仕亦惟志在大成則自信非易也程伯子曰事有大小有先後察其小忽其大先

其所後後其所先皆不可以適治陸稼書曰大綱之信猶易條目之信最難知處信猶易行處信最難順處信猶易逆處信最難又曰信有二意一是細微之必謹一是反身而皆誠合而觀之信斯之難可知矣王船山曰除孔子是上下千萬季語自孟子以下則莫不因時以立言程子曰曾點漆雕開已見大意自程子從儒學治道晦蒙否塞後他此一語後人不可苦向上討滋味致墮疑網蓋自秦以後所謂儒學者止於記誦辭章所謂治道者不過權謀術數而身心之學反以付之釋老故程子於此說吾道中原有此不從事跡上立功名文字上討血脈端居喪爲而可以立萬事萬物之本者爲天德王道大意之存而二

子爲能見之也及乎朱子之時則雖有浙學而高明者已羞爲之以奔鶩於鰲湖則須直顯漆雕開之本旨以閑程子之言使不爲淫辭之所託故實指之曰斯指此理而言恐其不然則將有以斯爲此心者抑將有以斯爲睨苒境物翠竹黃花燈籠露柱者以故朱子於此有功於程子甚大而又曰夫子說其篤志則以夫子之門除求路一輩頗在事迹上做若顏閔冉會之徒則算不從事於斯理固不但開爲能然而子之所以說開者說其不自信之切於求己而非與程子所謂見大意者同也 程子之言有爲而言也從俗儒俗吏風尚悖詭之餘而悠悠然於千載之上有開與點求諸此心此理以爲仕學程子所爲當諸

心而見其可說也開之言非有爲而言也當洙泗教  
隆之日才可爲而略小以圖大欲然求諸己以必  
其無不信者則所爭者在矢志之厚薄敬肆而不  
在事理之精麤斯朱子說其篤志之言爲尤切也朱子  
固欲表章程子之說以正聖學而細事功是以存其  
言而顯其實曰性亦恐性學說顯之後將有以三界  
惟心自性普攝之邪說文致此章信斯之旨是以別  
之曰理曰篤志曰仁義忠孝反覆於異同之間而知  
良工之心獨苦矣

子曰道不行乘桴浮於海從我者其由與子路聞之喜  
子曰由也好勇過我無所取材

朱子語類廣錄問于路資質剛毅固是能負荷容受之

人如何有聞之喜及終身誦之之事曰緣其好勇故凡事麤率不能深求細繹道理故有此事

朱子文集荅楊子順夫子棄梓之歎獨許子路之能從而

子路聞之果以爲喜且看此等處聖賢氣象是如何世間許多紛紛擾擾如百千蝨蚋鼓發狂鬧何嘗入其胷次耶若此等處放不下更何說克己復禮直是喪交涉也

王船山曰隱見之際大義存焉亦精義出焉治則進亂則退不可爲則不爲不可與處則絕之此大義也而君臣之義喪所逃於天地之間斯世斯民有不容棄置之義自爲有道仁人之任則知其不可而亦不遽絕之義之精也義之大者果淺之士能見之斯能

行之義之精者非聖人難以度事理之輕重初終而  
審處之也

黃薇香曰浮過也與禮會浮於人名浮於行及本經  
浮雲之浮同過海至東夷也據漢書地理志及說文  
槩桴浮海卽欲居九夷之事魯地近東海九夷在東  
海之外漢書顏注引此經而申之曰言欲槩桴筏而  
適東夷以其國有仁賢之化可以行道也顏注蓋本

古說

孟武伯問于路仁乎子曰不知也又問子曰由也千乘  
之國可使治其賦也不知其仁也求也何如子曰求也  
千室之邑百乘之家可使爲之宰也不知其仁也赤也  
何如子曰赤也束帶立於朝可使與賓客言也不知其

仁也

朱子語類

明倫錄

仁是全體不息所謂全體者合下全

具此心更喪一物之襍所以息者是私欲閒之喪一  
豪私欲方是不息乃三月不違以上地位若違時便  
是息

又

升卿錄

仲由可使治賦才也不知其仁以學言也

又

卓錄

渾然天理便是仁有一豪私欲便不是仁子路

之心不是都不仁仁人心也有發見之時但是不純

故夫子以不知荅之

又

南升錄

問三子之才雖各有所能但未知做得能喪

私心否曰然聖人見其有馭襍處若不就此做功夫  
便待做得事業終是麤率非聖賢氣象

又錄聖門功夫不過居敬窮理以修身也由來功夫未到不若顏子故夫子知其未仁若能主敬以窮理功夫到此則德性常用物欲不行而仁流行矣

朱子文集荅沈叔晦孔門教人先要學者知此道理便就身著實踐履到全無私心渾是天理處方爲仁如子路諸人正未到此地故夫子不以許之非但欲其知理而已也

朱子論語或問范氏淺譏三子竝與其材而不之取過也治賦爲宰與賓客言皆有國家者所不可廢之事雖當隆盛之時仕天子之朝亦豈能一喪事於此而直以從容風議爲高哉

許白雲曰武伯見聖人專教人行仁而不知仁之體



段故就門人中舉以爲問非泛論人才之謂也

熊勿軒曰與後篇由可使有勇求可使足民赤願爲小相章互見兵財禮樂乃國之大政而三子之才皆足以當之見聖門有用之學然治事之才易見本心之德難全故夫子皆不許其仁

陸稼書曰此章當與靡也仁而不佞章回也其心三月不違章同看朱子謂仁道至大非全體而不息者不足以當之朱氏公遷曰喪所不體而自然不息者聖人也能全體之而不免有息者亞聖也體之未必能全而息之之時又多者仲弓子路以下是也若原憲之克伐怨欲不行而遽以爲仁則非惟未加不息之功而實不知全體之妙矣合此二條觀之則仁之

體段可見而三子之未得爲仁不待辨矣

汪雙池曰夫子曰有能一日用其力於仁矣乎我未見力不足者我欲仁斯仁至矣何言仁之易也至於評論人品則未有輕許其仁者其自言也亦曰若聖與仁則吾豈敢視仁又何其難也蓋仁者天理之純而已一念之純乎天理則一念仁矣一事之純乎天理則一事仁矣此理非從外得而其功不待外求故祇存乎人之用力而非所難至也然此爲求仁者言之也若以仁之成言之則一念之襍卽天理以虧一息之違則天理以息苟非至誠喪息與天同體者則安得以仁歸之此夫子之所爲不輕以許人也知仁之易而學者可喪自諉知仁之難而求仁者尤不可

以懈於用力矣

劉楚楨曰凌氏曙云周官之制天子自六鄉以外分六遂及家稍小都大都其餘之地制爲公邑使大夫治之在二百里三百里以上大夫如州長在四百里五百里以下大夫如縣正皆屬於遂人載師以公邑之田任甸地舉甸以該稍縣疆也諸侯之國亦然以魯言之三鄉三遂之外除大夫之采邑皆公邑孔子爲中都宰子夏爲莒父宰子賤爲單父宰子游爲武城宰皆公邑也惟費爲季氏邑成爲孟氏邑邠爲叔孫氏邑非公邑自王畿之地鄉遂以家計公邑蓋以里計諸侯之地皆以家計故春秋之世動云誓社幾百蓋二十五家爲社可知邑之大小皆論室之多少

也

黃薇香曰邑有以國邑言者尙書曰天邑商曰佗新  
大邑於東國洛自虎通曰夏曰夏邑商曰商邑周曰  
京師皆以國言也有以里居言者周官里宰掌比其  
邑之眾寡左傳莊公二十八季凡邑有宗廟先君之  
主曰都喪曰邑王制量地以制邑皆以里居言也里  
居之邑不同周官四井爲邑論語十室之邑易邑人  
三百戶管子小匡六軌爲邑千室則邑之大者百孔  
注以千室爲卿大夫之邑然邑必有宰公邑及私邑  
未可定

劉楚楨曰立於朝者立與位同爾雅釋宮中庭之左  
右謂之位左氏傳有位於朝卽立於朝也禮行聘於

廟朝會蕤鬯則於廟或於朝或於寢此祇言朝者亦舉一以賅百凌氏曙曰其立位則接賓時陳擯於大門外上擯近君門東西面既入廟門擯者負東塾東上立則在中庭至授玉時上擯進阼階之西釋辭於賓遂相君拜既受玉退負東塾而立此但依聘禮言之亦舉聘則它禮可推知也凌氏廷堪曰案聘禮及廟門几筵既設擯者出請命注上擯待而出請受賓所以來之命重停賓也又云擯者入告辭玉注擯者上擯也覲禮侯氏入門右坐奠圭再拜稽首擯者謁注謁猶告也上擯告以天子苟辭欲親受之如賓客也又聘禮擯者出請事敖繼公曰擯者上擯也是相大禮皆上擯之事也據凌氏言此與賓客言亦是上

擯下篇言宗廟之事如會同願爲小相小相於聘禮則承擯紹擯此赤自謙之辭故夫子曰赤也爲之小孰能爲之大明赤能爲上擯也

子謂子貢曰女與回也孰愈對曰賜也何敢望回回也間一以知十賜也間一以知二子曰弗如也吾與女弗如也

朱子語類

明倫錄

顏子明睿所照子貢推測而知顏子

是真見得徹頭徹尾子貢是暗度想像似將一物比竝祇能間一知二顏子雖是資質純粹亦得學力所以見道理分明

輔漢卿曰間一知十是知得周徧始終喪還間一知二是知得通達喪所執泥知得周徧始終喪還故喪

所不說知得通達無所執泥故告往知來然息與叡亦非兩事但有生孰之異始則息而通久則明叡生而物盡遷照矣

張楊園曰間一知十若浚江河也間一知二以三隅反也

又曰在我者能知言窮理則足以盡物之情僞功夫久後必有明叡所照卽始見終之日若始初卽去推測物情則億逆之私叡機智日生而誠明之道絕矣用話謹案此說防推測之弊語類彙錄以格物窮理爲推測之事自不至流於億逆之私輔漢卿曰自屈生於自知自知之明則不容於不自屈也且自知之明則不安於已知不難於自屈則不

畫於已至此夫子所以許之

宰子畫寢子曰朽木不可雕也糞土之牆不可朽也於子與何誅子曰始吾於人也聽其言而信其行今吾於人也聽其言而觀其行於子與改是

蔡覺軒曰學者誠能立志以自彊則氣亦從之不至於昏惰何有於畫寢故學莫先於立志

何北山曰糞土朽木諸家以爲質不美之譬朱子嘗破其說大抵人之氣體固有彊弱而其勤怠則在於志之立不立志苟立則日進於精明雖弱而必彊志不立則日入於昏惰雖彊而亦弱故君子爲學必先立志此志旣立則如木有質如牆有基而後雕朽之功可加矣



王船山曰學者之於道知之非艱行之維艱知而不  
行猶喪知也況乎因知而有言而徒求之言則有非  
真知而可以言者故學莫切於力行而言爲不足賢  
力行之得失在心之勤怠而已能言而遂謂能知自  
謂已知而不復勤於力行則君子甚惡之故夫子於  
宰予而淡責之

汪雙池曰以其昏惰故行不逮言二節祇一事

子曰吾未見剛者或對曰申棧子曰棧也慾焉得剛

朱子語類

南升錄

慾與剛正相反若目之欲瞽目之欲

色之類皆是慾少被其牽引去此中僂喪所主或以  
申棧爲剛必是外面悻悻自好聖人見其中喪所主  
祇是色莊僂是慾安得爲剛

又時舉錄上蔡說爲物揜之謂慾故常屈於萬物之下

今要貪此一物事便被此物事壓得頭低 悻悻自好是客氣如此有以意氣加人之意祇此便是慾剛者外面逞然自守而中不詘於慾悻悻者外面有崛彊之貌便是有計較勝負之意卽慾也

又錄人之資質千條萬別有剛於此而不剛於彼者有剛而多慾有柔而多慾有剛而寡慾有柔而寡慾所以要學問學問進則見理明自能勝慾若不學問祇隨資質去便是屈於慾蓋學問則持守其本領擴充其識所以能勝慾而不爲所屈也此人之所賢者惟學而已矣

用語謹案此條剛字以所稟剛柔之質言與

此章所謂剛者有偏全純駁之不同

許白雲曰理之明自然能勝物者謂之剛私之萌求勝於物者謂之慾

又曰君子之心所存惟禮義故堅彊不屈於事物之下如孟子所謂富貴不能淫貧賤不能移威武不能屈大意見事合義處勇於必行有一豪不合義處決不爲

孫夏峰曰陽剛之德全是能自勝其私使此心超然於萬物之上慾則私意牽纏縱貌剛之似而中之靡也久矣子路之彊似之而非須中立不倚和而不流乃真面目也顏子克復歸仁學從乾道入處足慰聖人之患嗣是之後則孟氏之直養無害塞乎天地之

間者乎

李二曲曰正大光明堅彊不屈之謂剛乃天德也全此德者常伸乎萬物之上凡富賢貧賤威武患難一切毀譽利害舉喪以動其心慾則種種世情繫戀不能割絕生來剛大之氣盡爲所撓心術既不光明遇事鮮所執持喪論氣質懦弱者多屈於物卽素負血氣之彊者亦不能不動於利害之私也故從來剛者必喪慾慾則必不剛不可一豪假借

張楊園曰慾則不剛去得一分慾便生一分剛氣集義久自然至大至剛

何義門曰邵子曰中剛則足以立事業處患難剛在內者也若掩襲於外未有不臨事喪之也以孟子集

義所生節求之自見

子貢曰我不欲人之加諸我也吾亦欲喪加諸人子曰賜也非爾所及也

朱子語類南升錄學者祇有一恕字要充擴此心漸漸

勉力做去今說欲喪加諸人喪者自然而然而然此等地位是本體明淨發處盡是不忍之心不待勉彊乃仁者之事子貢遽作此言故夫子謂非爾所及言不可以躡等

朱子文集答馮伯肅博施濟眾之問與此語先後不可攷

疑因能近取譬之言用力有功而有欲喪加人之說也嘗謂欲立人欲達人卽子貢所謂欲喪加人仁之事也能近取譬求仁之方卽孔子所謂勿施於人恕

之事也

焦廣期曰子貢亦言己之志欲如此爾非僂以仁自處也但順口說一墜字不自覺其甚難此僂是虛而不實纒而不細處聞夫子之言自有所警而思進以此知聖人造就之功大矣

任翼聖

敬運

曰聖門諸賢墜不求仁子貢蓋用能近

取譬之功當日月至焉之候見萬物一體景象故出以相質但是見到未是行到是初至未是久安故子曰非爾所及

子貢曰夫子之文章可得而聞也夫子之言性與天道不可得而聞也

朱子語類

蓋卿錄

問性與天道曰其流行者天道人得

之者爲性乾之元亨利貞天道也人得之則爲仁義禮智之性

又辨錄天有四時春夏秋冬風雨霜露喪非教也地載神氣神氣風霆風霆流形庾物露生喪非教也此可以觀性與天道

又南升錄問夫子之文章凡聖人威儀言辭皆德之著見於外者學者所共聞也至性與天道乃此理之精微蓋性者人所受於天許多道理爲心之體者也天道者謂自然之本體所以流行而付與萬物人物得之以爲性者也聖人不以驟語學者故學者不得而聞然子貢說性與天道如此分明必子貢可以語此故夫子告之曰看得文字平正又浹洽

又安卿錄問子貢是因文章中悟性天道抑後得聞邪

曰是後得聞曰文章亦性天道之流行發見處曰固是然其初祇理會文章後聞孔子言性與天道不可竟以爲因文章得

又道夫錄子貢性與天道之歎見聖門之教不躡等又

見其言及此實有不可以目闕而得之者

真西山曰文章可聞夫子平日以身教人凡威儀文辭自然成文有章者皆是所謂吾喪隱乎爾吾喪行而不與二三子者是也若性與天道則淵奧精微未可遽與學者言恐其億度料想馳心元妙反躡等而喪所益故罕言之

李禮山曰性與天道卽在威儀言辭上見不是兩件



然卻不可便以爲一件淺者見其合淺者見其分目  
陳定宇曰堯之文章朱子釋以禮樂恣度堯達而在  
上其文章見於治天下夫子窮而在下其文章惟見  
於吾身在天下故以禮樂恣度言在吾身故以威儀  
文辭言也

汪雙池曰夫子與子貢言性與天道者屢矣曰下學  
而上達知我其天曰天何言哉四時行焉百物生焉  
曰吾一以貫之皆從性與天道指點之子貢既聞之  
而又心得之故追歎美其教人之有序亦猶顏淵喟  
然歎曰之意也

子路有聞未之能行唯恐有聞

朱子語類

賀孫錄

可見古人爲己之實處子路急於爲

善惟恐行之不徹 子路不急於聞而急於行今人  
惟恐不聞不忝行處著功夫

何北山曰此形容其汲汲於行而惟恐有畱善之意  
夫行之速惟恐其善之或遑聞之多又慮其力之不  
足自勵若此進善豈有窮乎夫勇者氣質之偏多務  
勝人而子路則用以自治而功百倍於人此范氏所  
謂善用其勇也

何義門曰從聞而不行則爲口目之學而喪以實有  
諸己矣子路勇於必行所以爲升堂之選歟

胡雲峰曰此卽子路聞斯行之之勇門人以爲弗及  
而著之夫子以爲兼人而退之何也曰著之者門人  
弗及其行之勇也推敬之辭也退之者夫子恐其徒

事乎行之勇也陶成之術也

李二曲曰子路喜聞過固學人百世之師而其勇於行尤學人百世之師也惜乎躬行有餘而終欠真知是以言動出處多有遺憾故知行不可偏廢若理有未窮知有未至往往以冥行當躬行則賊德害義多矣此又不可不知也

子貢問曰孔文子何以謂之文也子曰敏而好學不恥下問是以謂之文也

朱子論語或問先王之制謚以尊名節以壹惠故人生雖有眾善及其死則但取其一以爲謚而不盡舉其餘也以是推之則其爲人或不能盡善惡之襍者獨舉其善而遺其惡是亦謚法之所許也蓋聖人忠

孝之意所以爲其子孫之地與銘器者俾美而不俾惡同旨惟其喪善之可俾而純於惡焉則名之曰幽厲有不能已耳

朱子文集

答陳安卿

此章固因論諡而發然人有一善之

可俾聖人亦必取之此天地之量也

薛敬軒曰夫子以孔文子敏而好學不恥下問爲文取其微善而不及其顯惡聖人道大德宏此亦可見自後人言之必以其人爲不足道而竝沒其微善矣注雙池日子貢以諡律人夫子祇就諡論諡但敏而好學不恥下問一節亦可媿天下恃天資倚勢位人矣

黃薇香曰敏者資之捷好者心之篤也文子敏而能

好之者官司之圖籍古今之典章自能討論按輯之也下問者不挾賢求實是也事固有名卿大夫稽秘府官司之掌不能詳悉釐定而投閒置散之士窮居伏處之英獨能蒐輯舊聞網羅散失證明因革之由討論得失之故者此文子之所以集眾益也

子謂子產有君子之道四焉其行己也恭其事上也敬其養民也惠其使民也義

朱子語類

南升錄

義有剛斷之意養民則惠使民則義

優見子產之政不專在於寬就都鄙有章處見義字  
在子產上不在民上

輔漢卿曰晉篇集注釋恭爲莊敬此又釋爲謙遜者恭敬謙遜皆禮之端此下有事上也敬故以謙遜釋

恭謹恪釋敬蓋謙遜乃恭之實而於行己爲切謹恪乃敬之實而於事上爲宜也

王方麓曰夫子許以有得於君子之道者四而皆以行己之恭則其裨身必有禮而與三歸反坫侈然自放者異矣觀其不毀鄉校曰所善者吾則行之所惡者吾則改之是吾師也若之何毀之我聞忠善以損怨不聞佞威以防怨藹然君子反躬虛己受言納善之心也則其行己之恭可知此是爲人根本當時諸人俱因此處有虧故事業不能光明俊偉子產惟是此處服人故於事上使下克行其志也事上之敬卽其歷事四君四十餘年終始一節夷險一心謀國盡其誠身任社稷之安危而不爲私計與公子季友之

從雖能暫定魯國之難而公不勝私終啟私家彊盛之禍者異矣

王魯齋曰子產精神全在義字上孟子之言未盡蔡虛齋曰恭敬分言則恭主容敬主事單言恭則該敬篤恭而天下平是也單言敬則該恭君子修己以敬是也行己恭主容說蓋出入起居升降進退見之一身者皆行己也夫子溫良恭儉讓之恭亦主容說事上敬不止拜跪趨避之間陳力就列乃敬之大也故曰事君敬其事而後其食

金仁山曰都鄙如大都三國之一中五之一小九之一又師都建旗縣鄙建旒當時鄭國多彊族其分會都鄙必有侈僭故子產隄之使其城郭車旗章服各

有尊卑也上下有服者謂使賢賤衣冠各有等殺不得踰侈當時鄭國衣冠踰制者藏而不敢服故有取我衣冠而褚之之誦田有封洫者封疆溝洫此水陸之路所以隄井田之界當時井田制壞漸有開阡陌相侵越兼井之患故使民封土爲疆通水爲洫以正經界止侵井復田制一時使民力爲之所以有佗封洫之譏有取我田疇而伍之之誦廬井有伍者廬田閒民舍井九夫爲井所謂夫三爲屋屋三爲井伍蓋五家爲伍使之相親相愛鄉田同井使之相友相助而其中閒有臯奇邪則相及慶賞相共以此節觀之子產治國之才非當時所可及惟夫子斷之明而集注取得其要



子曰晏平仲善與人交久而敬之

黃勉齋曰朋友人倫之一可不敬乎攝以威儀相觀以善一有不敬則失朋友之道矣惟其久而敬也則愈久而愈親拍肩執袂以爲氣合酒會遊戲相徵逐以爲生歿不相背負未有能全交者也夫子美平仲之善交友道盡於此矣

鹿伯順曰久字有垂隄事情在人己蹤跡之升沈佗用之忤合千態萬狀初聞之敬不知不覺暗中消滅晏大夫乃於此處擅長

家慧思先生曰久而敬之異於初相敬而後漸瀆者故爲善交然未有始相瀆而不凶終隙末者爲轉一語曰敬方能久方能善與人交

黃薇香曰晏平仲之善交爲聖人所傳者於素心契  
合兩無猜嫌之友而有持敬勿怠之心也近儒竝說  
崔慶陳鮑此時文取材之富不可以說經交權賢者  
徒以久敬爲善與同流合汙者何以異而夫子何憚  
乎爾

子曰臧文仲居蔡山節藻稅何如其知也

朱子語類

時舉錄

臧文仲季文子令尹子文陳文子數

段是聖人微顯闡幽處惟其似是而非故聖人分明  
說出要人理會如臧文仲人皆以爲知聖人復說其  
既惑於鬼神安得爲知蓋卜筮之事聖人固欲使民  
信之然藏著龜之地須自有合當之處今文仲乃爲  
山節藻稅以藏之是其心一向倒在卜筮如何得爲

知古說多道其僭則不止謂之不知便是不仁聖人  
今祇主不知而言也

汪雙池曰務民之義敬鬼神而遠之知之事也人惟  
不務民義所以諂瀆鬼神夫子譏文仲之諂瀆鬼神  
正所以譏其不務民義

陳心叔曰漢書云元龜爲蔡非四民所得居元龜長  
尺二寸公龜九寸侯龜七寸子男龜五寸家語漆雕  
平對孔子云臧氏有守龜其名曰蔡文仲三季而爲  
一兆武仲三季而爲二兆是蔡乃龜之名耳鄭康成  
包咸皆云出蔡地因以爲名不知何據又左傳臧武  
仲得舉於魯出奔邾使告其兄賈於鑄且致大蔡焉  
賈再拜受龜乃立臧爲爲臧氏後其子昭伯嘗如晉

從弟會竊其寶龜僕句以下吉後季平子立會爲臧氏後會曰僕句不余欺也注云僕句寶龜所出地名豈臧氏二龜一名蔡一名僕句乎

劉楚楨曰白虎通著龜篇天子下至士皆有著龜者重事沒疑示不自專凡卜皆在廟故藏龜亦於廟周官龜人凡取龜用秋時攻龜用春時各以其物入于龜室注云六龜各異室也叟記龜策列傳言高廟有龜室又言置室西北隅懸之此其制也左文二季傳佗虛器杜注佗虛器謂居蔡山節藻梲也有其器而喪其位故曰虛如杜所言則居蔡謂佗室以居之所謂龜楨也漢書食貨志元龜爲蔡非四民所得居有者入太卜受直然則文仲得此蔡卽當歸諸周室而

不得私藏之禮器所云家不寶龜是也乃文仲則儼  
爲己有且以天子廟飾居之明堂位曰山節藻梲複  
廟重檐天子之廟飾也文仲諂瀆神物以冀福佑而  
不知其僭上喪等之舉必不爲神所相故夫子不席  
其僭而但席以不知

任翼聖曰據漢人之說居蔡是僭諸侯之禮山節藻  
梲是僭天子宗廟之禮以飾其居如此則是二不知  
不應槩以佞虛器舉之曰一不知也山節藻梲實係  
天子之廟飾管仲僭用以飾其居而臧孫未必然者  
蓋臺門反坫朱紘鏤簋出自夷吾之奢汰不足爲怪  
而臧孫則儉人也天下豈有以天子之廟飾自居而  
使妾織蒲者蓋亦不相稱之甚矣然則山節藻梲將

何飾曰飾之於居蔡也所謂媚神以邀福也是固橫  
渠先生之說而朱子采之者也

子張問曰令尹子文三仕爲令尹喪喜色三已之喪慍  
色舊令尹之政必以告新令尹何如子曰忠矣曰仁矣  
乎曰未知焉得仁崔子弑齊君陳文子有馬十棗棄而  
違之至於他邦則曰猶吾大夫崔子也違之之一邦則  
又曰猶吾大夫崔子也違之何如子曰清矣曰仁矣乎  
曰未知焉得仁

朱子語類

時舉錄

今人有小利害便至於頭紅面赤子

文三仕三已略喪喜慍有小所長便不肯輕以告人  
子文乃盡以舊政告之新尹其地位亦甚高矣今人  
有一豪係累便脫灑不得文子有馬十棗乃棄之如

敝屣然亦豈易事須息二子所爲如此高絕而聖人不許之以仁者如何未足以盡仁就此細看便見二子不可易及而仁之體段實是如何切不可容易看也

又

太僞錄

此祇就二子事上說若比干伯夷之忠清是

就心上說蓋比干伯夷之忠清元自仁中出若子文文子夫子祇見此兩事是清與忠不知其如何得仁也

又

文蔚錄

或曰南軒解此謂有一豪私意皆非仁子文

陳文子以終身之事求之未能喪私所以不得爲仁曰祇據子張所問之事未知是出於至誠惻怛未知是未能喪私故曰未知焉得仁非以仕已喪喜愠與

棄而違之爲非仁也此要在心上求心有小不慊慢處便是仁曰所以孔子偁夷齊曰求仁而得仁又何怨曰是要見到此

又燕錄問子文文子之忠清聖人祇就其一節可取如仁是全體所以不許其仁曰如三仁亦是就其一節說畢竟一事做得是時自可以見其全體古人謂觀鳳一羽足以知其五色之備

朱子論語或問子文之質近於好仁者文子之質近於惡不仁者而其事皆卓然非常人之所能及也子張之行有難能者故疑以爲仁而問之而孔子則以爲是亦忠清而已至於仁則未知其何以得之也蓋仁者心之德而天之理也自非至誠盡性通貫全體



如天地一元之氣化育流行喪少閒息不足以名之  
今子文仕於蠻荆執其政柄至於再三既不能革其  
僭王之號又不能止其猾夏之心至於滅弦伐隨之  
事至乃以身爲之而不知其爲擧文子立於淫亂之  
朝既不能正君以禦亂又不能先事而潔身至於篡  
弑之禍已作又不能上告天子下請方伯以討其賊  
去國三季又喪故而自還復與亂臣共事此二人者  
平日之所爲止於如此其不得爲仁也明矣若據子  
張之問就其一節而論之則子文三仕未知其所以  
行者何說三已未知其所以止者何爲告新令尹又  
未知所以言者何事而所謂喪喜愠者又特不見於  
色而已亦安知其心之果喪喜愠耶至於文子則其

去國之時未知其果能脫然而喪所累於心邪抑其  
恐畏躁迫特出於不得已而有所未能忘懷也是又  
皆未足以見其有合於仁者之意則指其事實而言  
之不過命之以忠清而喪以加矣若之何而可輕以  
仁許之邪然聖人之言辭不迫切而意已獨至雖不  
輕許而亦不輕絕也學者因其言而反以求之則於  
仁之理與入之所以得是名者庶幾其可默識乎

用誥謹案集注云當理而喪私心則仁矣此  
又謂仁者至誠盡性通貫全體如天地一元  
之氣化育流行喪少閒息蓋以心德天理之  
全言當理喪私義亦在其中語類所謂仁之  
全體仁之體段是也其不得爲仁也以上卽

外注末段意陳新安謂本章外究竟到底之  
斷案也就其一節觀之以下則所謂未有以  
見其必當於理而喪私心本章之正意也

陳器之曰齋祿國家齋祿不可認爲己有而妄生喜  
愠政事國家政事不可認爲己能而自分新舊皆忠  
也

饒雙峰曰論語言仁有以德言者有事言者如靡  
也仁而不佞問子路仁乎克伐怨欲不行可以爲難  
皆以德言子文子子未知焉得仁夷齊求仁得仁殷  
有三仁皆以事言者以德言非全體而不息者不足  
以當之以事言則須當理而喪私心乃可以當之顏  
子於仁可言全體仲弓僂不可謂之全體顏子三月

不違度幾久而不息日月至焉能至而不能久不可謂之不息夷齊三仁事當理而心喪私故可謂之仁子文文子之事非特心未能喪私而事亦不當理何以得爲仁乎

程子見

復心

曰全體不息大段從體上說當理喪私

大段從用上說全體不息是盡仁之實當理喪私是求仁之要子路并求文子子文一偏之性事偶當乎理者也不可以外著之似而許其仁也仁體乎事事當乎理固可因用以見其體之該性卽理而理喪不在也仁梏於心心襍乎私不可以用而許其仁之全情出於氣而氣或有偏也孔子罕言仁亦不輕許人以仁其罕言也欲求之事物之實而不虛慕其仁之

名也其不輕許也不因其事爲之小而遂與其仁之大也知此可以知心德之全矣

季文子三思而後行子聞之曰再斯可矣

朱子論語或問天下之事以義理斷之則是非當否再思而已審以私意揣之則利害得喪萬變而無窮息止於再者欲人之以義制事而不汨於利害之私也 此特爲臨事之息目范氏通以學問求道之息爲言誤矣周公仰而思之亦爲其有不合目若事理曉然者又何待於如是耶

朱子語類

時舉錄

息之有未得者須子細思之到息而

得之方是一息雖見得已是又須平心更思一遍如此則喪不當者矣若更過思則如秤稱物推來推去

輕重益不定

又

賀孫錄

天下事計較利害雖百思亦不濟事如今人

須計較到有利無害處所以人欲日熾義理日滅橫渠說聖人不教人避凶而趨吉祇教人以正信勝之此可破世俗之論

朱子文集

荅陳安卿

問再斯可矣是就文子行事處說在

學者窮索義理則息之息之愈深而愈精豈可以數隕而君子物格知至者萬事透徹事物之來皆有定則則從容以應之亦豈待臨時方致其思不審此語是文子事抑眾人通法皆當以再爲可邪曰物格知至者應物雖從容然臨事豈可不思況未至此又豈可不敵思邪故以再思爲眾人之通法蓋至此則思

已讖而事可凌過則惑矣

又

荅都昌縣學諸生

或謂周公仰而息之夜以繼日幸而得

之坐以待旦所息又不止三也曰橫渠先生曰未知立心惡息多之致疑已知立心惡講治之不精講治之息莫非術內雖勤而何猷推此求之可見

許白雲曰此章當用格物功夫在息之耒理既明則所息可善若未明理再息亦未合理百息亦未合理聖人祇就文子斷其息之過而格物之道自然見於言外

王船山曰事有幾可否有衡不容不思也思則心所不安不敢冒昧以爲矣息之而猶未安焉則再息之耒思之未盡者至此而精也耒思之已定者至此而

淺也天下之理邪正而已矣無難淺也吾心之則是  
非而已矣無難辨也患之不已則必有周旋委曲之  
術以可飾於義而濟其利者存則公忠直諒之情移  
矣文子之不得爲純臣其在此乎

子曰甯武子邦有道則知邦無道則愚其知可及也其  
愚不可及也

朱子語類賜錄邦有道安分做去故無事可併邦無道  
則全身退聽非難惟其不全身退聽似愚然又事事  
處置得去且不自表著其能此所以謂其愚不可及  
也

又端業錄邦雖無道直向荷做去又能沈晦不露是非

避事以免禍也



又錄武子不避艱險以濟其君愚也然卒能全其身者知也若不能沈晦以自處則爲人所害矣尙何君之能濟哉

又錄可學問甯武子世臣宅人不必如此曰然又看事如何若羈旅之臣見幾先去則可若事已爾又豈可去此事最難當權其輕重

胡雲峰曰武子於衛爲公族比干於紂爲父族皆與國存亡者也特衛成公之患在外欲免之非沈晦不可紂之惡在己不諫之而諉於沈晦亦不可程子所謂亦有不當愚者最見時中之義

陸稼書曰自人看武子有知有愚在武子祇一忠而已當國家喪事時宜乎安靜則以能鎮定爲忠當國

家有事時須用扶持則以能冒險爲忠武子亦何知其爲知爲愚哉

芮蒿子曰辦天下事者存乎知用經用權處常處變皆是物也若乃當蹇道之世則又不專恃此蓋利害之心太明則趨避之私易起愚於身而後知於君愚於家而後知於國險阻在將而不見死在後而不知彼愚人之心也哉保身濟君俱所不計但以職分當如是故冒昧爲之耳漢諸葛忠武侯有言臣鞠躬盡瘁死而後已至於成敗利鈍非臣之明所能逆睹也此真所謂其愚不可及者乎

何義門曰武子之愚祇是但知有君不知有身竝不知有成敗利鈍始終奉君以周旋竭力致死蹇有二

心其後晉怨卒解成公卒歸其初實未計及向使不幸爲士榮鍼莊之續成公不免於酖君臣同盡亦其所心安理得略垂榷避者故曰其愚不可及

用詰謹案朱子解愚不可及兼不避艱險卒能保身濟君二意此二條則以致命遂志成敗不計爲愚之不可及卽不避艱險中義尤足見武子之純忠

子在陳曰歸與歸與吾黨之小子狂簡斐然成章不知所以裁之

朱子語類

明倫錄

斐然成章是自成一家做得一章有

管有尾雖與聖賢中道不同畢竟做得一項事完全與今學者有頭無尾者不同聖人不得中道者與之

故取此狂狷之人尙有可裁節使過不及歸於中道  
又錄狂簡之人不裁之則墜所收檢而流入於異端  
如孟之反不伐是其自占僂宜處僂如老氏所謂不  
爲天下先之意子桑子灰琴張弔其喪而歌是不以  
生灰芥蒂僂如釋氏此等人雖志意高遠然非聖人  
有以裁正之則一向狂妄全不濟事

程勿齋曰狂簡者志大而略於事宜其稷槩疏率乃  
能斐然成章者蓋其稟氣英明賦質堅勁雖致廣大  
而不屑於精微然其規模之廣大實非卑下者所能  
攀雖極高明而不屑於中庸然其志翹之高明實非  
平凡者所能企也其立心制行豈不斐然可觀但各  
矜所自得非得聖人以裁之則廣大雖可觀而精微

有未究高明雖可喜而中庸有未協且有琴張曾皙  
牧皮之夷攷其行而不掩焉者矣

孫夏峰曰凡在人情世故周摺之人則多心多事而  
本來之心闒汶而不章惟狂故簡淡於俗情必濃於  
道趣任其性質自是充明俊偉成得片段但高曠處  
多實在功夫少不知裁卽在成章內非兩轉語也此  
正簡之所以爲狂也

黃薇香曰朱子云志大而略於事或陷於異端者後  
世明心見性之學以居敬爲拘以格致爲支離而別  
矜其瀟灑簡捷之術朱子正指此言也朱子謂陸子  
靜曰區區所憂在輕爲高論妄生內外精麤之別以  
亘心日用分爲兩截謂聖賢之言不必盡信而容貌

辭氣之間不必深察此其爲說將有大爲吾道之憂者陸稼書曰莊生亦是狂士以不知裁遂肆爲異學之倡後世禪學往往收高明之士夫子此憂已燭見來茲之禍梃

劉楚楨曰史記孔子世家孔子至陳歲餘吳王夫差伐陳取三邑而太孔子居陳三歲會晉楚爭疆夏伐陳及吳侵陳陳常被寇孔子曰歸與歸與吾黨之小子狂簡進取不忘其初於是孔子去陳過蒲適衛去衛將西見趙簡子臨河乃還反乎衛又去衛復如陳是歲魯哀公三季而孔子季六十矣季桓子卒康子代立使使召冉求冉求將行孔子曰魯人召求非小用之將大用之也是日孔子曰歸乎歸乎吾黨之小

子狂簡斐然成章吾不知所以裁之子貢知夫子息  
歸送丹朱因誡曰卽用以孔子爲招云世家此文述  
夫子再有歸與之辭荀文見孟子後文見論語蓋夫  
子忠歸之切屢見乎辭故世家各隨文記之司馬貞  
索隱疑爲一文剛敘閻氏若璩以孔子此歎興起於  
魯之召朱之歸荀所載爲錯簡復出非也

子曰伯夷叔齊不念舊惡怨是用希

朱子語類

拱壽錄

伯夷叔齊不念舊惡要見其胸中都

是義理

又

南升錄

此與不遷怒一般其所惡者因其人之可惡

而惡之而所惡不在我及其能改又祇見其善不見  
其惡聖賢之心皆如此

林次崖曰聖人之心如明鏡止水妍媸因物之自取蓋所惡者惡其惡也非惡其人也因其自取非出於有心也若惡其人而出於有心則追念不忘矣

鹿伯順曰祇一不念舊惡卽將毒惡惡之本心顯揭於天下矣且媿且感怨何自生不止能改過者不怨卽未改者亦不怨知我原非私惡也味此節冷然消人鄙吝

芮蒿子曰孟子云伯夷隘詳味不念云云似隘又不  
足以盡伯夷矣

何義門曰清者之量乃是聖人表幽闢微處與孟子  
柳下惠不以三公章說和者之介同

尹元孚曰清者之量仍是從清處看出蓋伯夷叔齊



之清乃聖之清清到至極則於善惡之際一豪不假  
借自一豪不牽混若念舊惡是於人之善惡肯後界  
隄牽混而不分明矣豈所謂聖之清者乎

蔡虛齋曰今人皆知天下歸仁邦家喪怨爲仁人盛  
德事固也然薰蕕不同味而太取生涇渭不同流而  
變惡生則夫爲君子者固不能喪惡於人也如司馬  
溫公雖奸耶小人惡其害己者亦斂衽咨嗟其賢如  
程明道先生則狡詭者獻其誠暴慢者致其恭如諸  
葛武侯則李平廖立雖爲所廢亦憐其死而爲之流  
涕此喪它公也誠也公則可怒在彼誠則不言而信  
皆夷齊不念舊惡輩人也

子曰飲謂微生高直或乞醯焉乞諸其鄰而與之

朱子語類

卷偽錄

醜至易得之物尙委曲如此若臨大

事如何纔枉其小便害其大此皆不可謂誠實也

又

賀孫錄

問孔子說微生高一章雖一事之微亦可見

王霸心術之異處一便見皞皞氣象一便見驩虞氣象曰然

輔漢卿曰凡平心順理以應物則爲直若有一豪計較作爲則不得爲直人心非天理卽人欲非自然則計較出此入彼無閒可容息也故乞醜之事雖若微末而程子以爲所枉雖小害直爲大

許白雲曰凡舉一言以蔽一人之行皆是以全體言若直則是平生行事盡一私曲方可僞直之名今微生高縱它事皆直祇此事之不直便不可言直

顧麟士曰古來祇爲周旋世故之念壞盡人品如微  
生乞醯一事何等委曲方便卻祇是第二念非當下  
本念夫子有感而歎之不在譏微生指點要人不向  
轉念去也

熊勿軒曰此與後章皆論人心術之微文公謂記者  
以類相從充微生高不直之心其流必至有可恥之  
事

汪雙池曰文仲之知文子之患微生之直皆當世所  
震驚也震之則效之效之而天下喪真知真直矣故  
爲天下正學術人心則不得不正言其失非好僞人  
惡也

子曰巧言令色足恭左丘明恥之丘亦恥之匿怨而友

其人左正明恥之正亦恥之

朱子語類

太偽錄

巧言令色足恭與匿怨皆不誠實者

也人而不誠實何所不至所以可恥與上乞醯之意相似

楊慈湖

簡

曰此二事皆心中一樣外面一樣左正明

恥正亦恥正甚言斯人不直之可恥非竊比意非恥其欺人而失禮乃恥其昧己而喪德也

許白雲曰朱子言若微生高之心久之便做出此等可恥之事此亦是戒學者於細微事不可不謹人心路要畝若一時小事不謹到大事亦以爲常終爲惡人學者功夫皆如此若凡小事件件致力則到大事亦以爲常終爲君子矣

王船山曰直道喪正氣亾不肖者以爲容身之術而行怪之士且爲合光同塵知雄守雌之說以濟之聖人願與遺直之士同伸其正論以畱人心於旣喪之餘也

汪雙池曰爲機變之巧者喪所用恥焉也有羞惡之心則立心以直矣

焦贛期曰此所以可恥者爲其不直也夫子嘗言巧令辨仁不直則必不仁且如以言色說人以足恭媚人求其稍存愛敬之實心必不可得非不仁而何又曰諂佞險詭二者人所共恥而爲之者習氣亂而蔽錮深也聖人言此有提撕警覺之意蓋人之本心有終不能喪盡者患不知其可恥耳間聖人之言亦

當猛省矣

黃薇香曰集解孔曰足恭優碎貌邢疏優碎謂優習  
盤碎其足以爲恭也會子立事篇足恭而口聖足與  
口對表記君子不失足於人不失色於人不失口於  
人足與言色並舉足恭卽指趨踰奔走甚而屈膝一  
流又漢書趙敬肅王傳彭祖爲人巧佞卑諂足其顏  
注其讀曰恭謂優碎也

用語謹案集注訓足恭爲過乎恭與邢疏一  
曰足成也謂巧言令色以成其恭之義相似  
不如孔注解爲長

顏淵季路侍子曰盍各言爾志子路曰願車馬衣輕裘  
與朋友共敝之而無憾顏淵曰願無伐善無施勞子路

日願問子之志子曰老者安之朋友信之少者懷之

朱子語類升卿錄問仲由何以見其求仁曰它人於微

小物事尙戀戀不肯捨仲由能如此其心廣大而不  
私已矣非其意在於求仁乎

又寓錄問伊川言子路勇於義者觀其志豈可以勢利

拘哉曰輕己之所有以與人其勢利之人豈肯如此

子路志願正學者事

又燕錄問子路願車馬衣輕裘與朋友共是做功夫處

否曰是其心自見得故願如此然必有別做功夫處

又問此卻見其心曰此見其心之恢廣磨去私意然

祇去私意之麤者顏子則磨去近裏者然皆對物我

而言

又道夫錄顏子之志不以己之長方人之短不以己之

能媿人之不能是與物共

又壯祖錄子路所言對一不與朋友共敝之而有憾在

顏子所言對一伐善施勞在非如孔子之言皆循其  
理之當然初喪待乎有所懲勸也

又賀孫錄問集注云羈勒以御馬而不以制牛祇是天

理聖人順之而已曰此天理自合如此如老者安之  
朋友信之少者懷之是其自帶得此理來聖人爲之  
初喪形迹又問集注云皆與物共者也但有大小之  
差目曰此道理祇爲人不見全體所以自狹小聖人  
如何得如此大人都不見道理形骸之隔而物我判

爲二



又文蔚錄問孔子安仁固塞可言顏子不違仁乃是已

得之故不違是克己復禮之事子路方有與物共之

志故曰求仁曰然又曰當時因子路說出此一段皆

是以己與物對說顏子是已得之意息子路是舍己

忘私之意息今若守定其說曰此是求仁不成子路

每日都喪事祇是如此當時因子路偶然如此說出

故顏子孔子各就上面說去其意思各自不同

朱子論語或問曰其以子路爲亞於浴沂者何也曰

取其胃懷灑落喪所繫累於物而言曰謝氏每偁子

路揀難割舍者要不做便不做以爲真百世之師者

豈其有見於此歟世之學者不察於此輕以好勇讓

之以爲是特賣育之倫耳其亦誤矣

許白雲曰聖人顏子氣象以集注觀之尙可體認惟  
子路之意須識取南軒先生謂人之不仁病於有己  
故雖衣服飲食之間此意未嘗不存蓋仁者心體廓  
然人我無間程子所謂與物共者也常人之有己於  
衣服車馬所常服御者必存心計較彼我則大於此  
者固可知故子路於日用上除去私狹氣象廓然同  
人則其它亦無往而不宏廣矣不可祇泥車馬輕裘  
看子路

薛敬軒曰自矜自伐者皆不能克有己之私也

陸桴亭曰人欲中天理易見天理中人欲難知善勞  
是天理伐與施是天理中人欲也

吳艸廬澄曰老安少懷而信朋友是使之一一皆得

其所也三者之人欲其喪一之不得其所故曰聖人之心猶天也若夫自處其身於喪過之地而視人之得其所不得其所若喪與吾事然是則楊朱爲我之學而聖賢之所深闢也

眞西山曰聖門學者誠實端慤言者卽其所行行者卽其所言苟躬行有一毫不到斷不敢輕以自許子路勇於爲善而篤於朋友故所願如此蓋私之一字乃人心之深害私苟未忘雖於骨肉親戚之間尙不能喪彼此物我之分况朋友乎子路之言雖祇及朋友然觀其用心則其至公喪私可見矣顏淵之志蓋視己之善如未有善視己之勞若初喪勞觀其用心雖至堯舜地位亦歉然常若不足子路所謂車馬衣

裘與朋友共特顏子善中之一善目若聖人則如天地然一元之氣運之於上而天地間無一物不得其所不待物物著力然後能之又非二子所及然學者且當從子路學起必如子路之忘私然後方可進步不然則物我之私橫於胸中又安能有善不伐有勞不矜如顏子乎況於聖人地位非用力所可到須德盛仁猷從容中道然後不期而自至目此非始學之事故必先學子路之忘私而後可

陸稼書日子路車馬輕裘與豪俠不同豪俠輕財好施從意氣來子路從義理來見朋友與我痛癢相關車馬輕裘自不足惜是萬物一體之懷也顏子無伐無施與謙謹之流不同謙謹者亦抑然自下是不敢

自足顏子則直是不見其有見善是性分固有勞是職分當爲伐施自喪從生是亦萬物一體之懷也夫子老安友信少懷亦非它意祇充滿其萬物一體之懷而已吾儒之學不患其不公但患未能盡公之量不患不公私但患未能盡私之類人已之間有一豪間隔便是吾性之虧有一豪凝滯便是吾心之疵故老者朋友少者人不一而皆吾休戚相關之人安信懷事不同而皆我痼瘵乃身之事雖天地有憾堯舜猶病總喪一豪間隔雖親親有殺尊賢有等總喪一豪凝滯廓然大公物各付物天理周流視喪伐喪施者又不足言矣

子曰已矣乎吾未見能見其過而內自訟者也

朱子語類錄必大問程子曰自訟不置能喪改乎又曰

舉已責躬不可喪然亦不當長畱在心曾爲悔今有學者幸知自訟矣心曾之悔又若何而能不畱邪曰改之便無悔

黃勉齋曰自訟而見於言不若自責於心之爲渙切也非謂諱過而不改言也

胡雲峰曰訟者欲勝人內自訟則能勝己

高景逸曰人果能見得天理精明方見得人欲細微一動於欲便礙於理如兩造然遂內自訟一訟則天理常伸人欲消屈而過不形於外矣故曰見性斯能見過見過斯能復性

夏用九曰曰見是真覺悟一豪瞞不得曰自訟是真

媿悔一豪恕不得有此真識力始能起死回生不致  
因循耽誤一世

陸稼書曰聖人不能必人之善過而惟欲人改過故  
屢言及之而此章能見其過而內自訟是所以能改  
之方歎其未見實深望其見也須知所以未見之故  
一爲氣質做主而不能變化一爲物欲牽引而不能  
割斷一爲習俗陷溺而不能跳脫有過由此三者有  
過不能見不能自訟亦由此三者此三者盤據膠結  
而不可解動於心而爲心過發於口而爲口過形於  
身而爲身過以至處事接物垂往而非過或不當爲  
而爲則爲動之過或當爲而不爲則爲靜之過或於  
理增一分則爲太過之過減一分則爲不及之過雖

其淺淡輕重之不同而總皆爲過學術之所以不能  
有純而喪褻世道之所以不能有盛而喪衰皆由於  
此夫子所以淡望之而不能不重歎之也

子曰十室之邑必有忠信如工者焉不如工之好學也  
黃勉齋曰夫子自言好學固是謙辭然聖人惟生知  
所以自然好學學者一出一入而不加之意正以其  
不能真知義理之切身故爾

蔡覺菴曰夫子於生知則不自居於好學則不自遜  
所以勉人學也

王船山曰夫人之所得於天者聰明才力可善而亦  
可惡可得而亦可失皆不足恃也其可恃者惟忠信  
而已心有可盡發之而盡則理喪所妄理有不可違



循物而不違則心喪所次此乃得於天而可資以入道者也乃有其心則何不可盡也有其理則何不可循也亦惟不好學而已矣心可盡而窮乎理乃能知其所必盡之誠而不容以虛矣之情期固有之天德理可循而純其心乃能知其所不可違之實而不容以二三之見測事理之常經於此求之心而不得則求之先知先覺而得範圍之不過求之理而不得則求之存養省察而得幾微之不爽誠好學焉惡在其不如聖人哉未嘗好學而推聖人以天授憎哉其抱忠信之質而終於妄也

尹元孚曰此章大旨自是勉人好學以全其生質須知忠信方可言生質之美忠信之質方可以言學忠

信美質乃十室中所必有者惟不知好學以保守擴  
充其忠信是以鄉人多而聖人少也夫子以身示教  
並非謙辭一部論語俱勉人主忠信而好學

論語公治長第五 畢